



□ 12
2921
1



12
2021
1

周禮序

福古館藏

去五味均平藏

周禮序

唐朝散大夫行太學博士弘文館學士賈公彥撰

夫天育蒸民無主則亂立君治亂事資賢輔但天皇地皇之日無
事安民降自燧皇方有臣矣是以易通卦驗云天地成位君臣道
生君有五期輔有三名註云三名公卿大夫又云燧皇始出握機
矩表計實其刻日蒼牙通靈昌之成孔演命明道經註云拒燧皇
謂人皇在伏羲前風姓始王天下者斗機云所謂人皇九頭兄弟
九人別長九州者也是政教君臣起自人皇之世至伏羲因之故
文耀鉤云伏羲作易名官者也又案論語撰考云黃帝受地形象

周禮

序

周禮

永清

天文以制官伏羲已前雖有三名未必具立官位至黃帝名位乃具是以春秋緯命曆序云有九頭紀時有臣無官位尊卑之別燧皇伏羲既有官則其間九皇六十四民有官明矣但無文字以知其官號也索左傳昭十七年云秋郟子來朝公與之宴昭子問焉曰少皞氏鳥名官何故也杜氏註云少皞金天氏黃帝之子已姓之祖也郟子曰吾祖也我知之管者黃帝氏以雲紀故爲雲師而雲名註云黃帝軒轅氏姬姓之祖也黃帝受命有雲瑞故以雲紀事百官師長皆以雲爲名號縉雲氏蓋其一官也炎帝氏以火紀故爲火師而火名註云炎帝神農氏姜姓之祖也亦有火瑞以火

紀事名百官也共工氏以水紀故爲水師而水名註云共工以諸侯霸有九州者在神農前大皞後亦受水瑞以水名官也大皞氏以龍紀故爲龍師而龍名註云大皞伏羲氏風姓之祖也有龍瑞故以龍命官也我高祖少皞擊之立也鳳鳥適至故紀於鳥故爲鳥師而鳥名又云鳳鳥氏歷正之類又以五鳥五鳩九扈五雉並爲官長亦皆有屬官但無文以言之若然則自上以來所云官者皆是官長故皆云師以目之又云自顓頊以來不能紀遠乃紀於近是以少皞以前天下之號象其德百官之號象其徵顓頊以來天下之號因其地百官之號因其事事卽司徒司馬之類是也若

然前少皞氏言祝鳩氏爲司徒者本名祝鳩言司徒者以後代官
況之自少皞以上官數略如上說顓頊及堯官數雖無明說可略
而言之矣案昭二十九年魏獻子曰社稷五祀誰氏之五官蔡墨
對曰少皞氏有四叔曰重曰該曰修曰熙實能金木及水使重爲
句芒該爲蓐收修及熙爲玄冥世不失職遂濟窮桑此其三祀也
註云窮桑帝少皞之號也顓頊氏有子曰犁爲祝融共工氏有子
曰句龍爲后土此其二祀也后土爲社稷田正也有烈山氏之子
曰柱爲稷自夏以上祀之周棄亦爲稷自商以來祀之故外傳犁
爲高辛氏之火正此皆顓頊時之官也案鄭語云重犁爲高辛氏

火正故堯典註高辛氏之世命重爲南正司天犁爲火正司地以
高辛與顓頊相繼無隔故重犁事顓頊又事高辛若稷契與禹事
堯又事舜是以昭十七年服註顓頊之下云春官爲木正夏官爲
火正秋官爲金正冬官爲水正中官爲土正高辛氏因之故傳云
遂濟窮桑窮桑顓頊所居是度顓頊至高辛也若然高辛時之官
唯有重犁及春之木正之等不見更有餘官也至於堯舜官號稍
改楚語云堯復育重犁之後重犁之後卽羲和也是以堯典云乃
命羲和註云高辛之世命重爲南正司天犁爲火正司地堯育重
犁之後羲和氏之子賢者使掌舊職天地之官亦紀於近命以

民事其時官名蓋曰稷司徒是天官稷也地官司徒也又云分命
羲仲申命羲叔分命和仲申命和叔使分主四方註仲叔亦羲和
之子堯既分陰陽四時又命四子爲之官掌四時者字曰仲叔則
掌天地者其曰伯乎是有六官案下驩堯曰共工註共工水官也
至下舜求百揆禹讓稷契暨咎繇帝曰棄黎民阻饑汝后稷播時
百穀註稷稷也初堯天官爲稷又云帝曰契百姓不親汝作司徒
又云帝曰咎繇汝作士此三官是堯時事舜因禹讓述其前功下
文云舜命伯夷爲秩宗舜時官也以先後參之唯無夏官之名以
餘官約之夏傳云司馬在前又後代況之則羲叔爲夏官是司馬

也故分命仲叔註云官名蓋春爲秩宗夏爲司馬秋爲士冬爲共
工通稷與司徒是六官之名見也鄭玄分陰陽爲四時者非謂時
無四時官始分陰陽爲四時但分高辛時重犁之天地官使兼主
四時耳而云仲叔故云掌天地者其曰伯乎若然堯典云伯禹作
司空四時官不數之者鄭云初堯冬官爲共工舜舉禹治水堯知
其有聖德必成功故改命司空以官名寵異之非常官也至禹登
百揆之任捨司空之職爲共工與虞故曰垂作共工益作朕虞是
也案堯典又云帝曰疇咨若時登庸鄭註云堯末時羲和之子皆
死庶績多闕而官廢當此之時驩堯共工更相薦舉下又云帝曰

四岳湯湯洪水有能俾又鄭云四岳四時之官主四岳之事始義和之時主四岳者謂之四伯至其死分岳事置八伯皆王官其八伯唯驩兜共工放齊骸四人而已其餘四人無文可知案周官云唐虞稽古建官惟百內有百揆四岳則四岳之外更有百揆之官者但堯初天官爲稷至堯試舜天官之任謂之百揆舜卽真之後命禹爲之卽天官也案尚書傳云惟元祀巡狩四岳八伯註云舜格文祖之年堯始以羲和爲六卿春夏秋冬者并掌方岳之事是爲四岳出則爲伯其後稍死驩兜共工求代乃置八伯元祀者除堯喪舜卽真之年九州言八伯者據畿外八州鄭云畿內不置伯

鄉遂之吏主之案明堂位云有虞氏官五十夏后氏官百殷二百周三百鄭註云有虞氏官蓋六十夏百二十殷二百四十周三百六十不得如此記也昏義云三公九卿二十七大夫八十一元士鄭云蓋夏制依此差限故不從記文但虞官六十唐則未聞堯舜道同或皆六十并屬官言之則皆有百故成王周官云唐虞建官惟百也若然自高陽已前官名略言於上至於帝嚳官號略依高陽不可具悉其唐虞之官惟四岳百揆與六卿又堯典有典樂納言之職至於餘官未聞其號夏官百有二十公卿大夫元士具列其數殷官二百四十雖未具顯案下曲禮云六大五官六府六工

周禮
之等鄭皆云殷法至於屬官之號亦蔑云焉案昏義云三公九卿者六卿并三孤而言九其三公又下兼六卿故書傳云司徒公司馬公司空公各兼二卿案顧命太保領冢宰畢公領司馬毛公領司空別有芮伯為司徒彤伯為宗伯衛侯為司寇則周時三公各兼一卿之職與古異矣但周監二代郁郁乎文所以象天立官而官益備此即官號沿革粗而言也

序周禮廢興

周公制禮之日禮教興行後至幽王禮儀紛亂故孔子云諸侯專行征伐十世希不失鄭註云亦謂幽王之後也故晉侯趙簡子見儀皆謂之禮孟僖子又不識其儀也至於孔子更修而定之時已不具故儀禮註云後世衰微幽厲尤甚禮樂之書稍稍廢棄孔子曰吾自衛反於魯然後樂正雅頌各得其所謂當時在者而復重雜亂者也惡能存其亡者乎至孔子卒後復更散亂故藝文志云魯仲尼沒微言絕七十二弟子喪而大義乖諸子之書紛然散亂至秦患之乃燔滅文章以愚黔首又云禮經三百威儀三千及周

之衰諸侯將踰法度惡其周亡滅去其籍自孔子時而不具至秦
大壞漢興至高堂生博士傳十七篇孝宣世后倉最明禮戴德戴
聖慶普皆其弟子三家立于學官案儒林傳漢興高堂生傳禮十
七篇而魯徐生善爲容孝文時徐生以容爲禮官大夫而瑕丘蕭
奮以禮至淮揚太守孟卿東海人也事蕭奮以授后倉后倉說禮
數萬言號曰后氏曲臺記授戴德戴聖鄭云五傳弟子則高堂生
蕭奮孟卿后倉戴德戴聖是爲五也此所傳者謂十七篇卽儀禮
也周官孝武之時始出秘而不傳周禮後出者以其始皇特惡之
故也是以馬融傳云秦自孝公已下用商君之法其政酷烈與周

官相反故始皇禁挾書特疾惡欲絕滅之搜求焚燒之獨悉是以
隱藏百年孝武帝始除挾書之律開獻書之路旣出於山巖屋壁
復入于秘府五家之儒莫得見焉至孝成皇帝達才通人劉向子
歆校理秘書始得列序著于錄略然亡其冬官一篇以考工記足
之時衆儒並出共排以爲非是唯歆獨識其年尚幼務在廣覽博
觀又多銳精于春秋末年乃知其周公致太平之迹迹具在斯奈
遭天下倉卒兵革並起疾疫喪荒弟子死喪徒有里人河南緱氏
杜子春尚在永平之初年且九十家于南山能通其讀頗識其說
鄭衆賈逵往受業焉衆逵洪雅博聞又以經書記轉相證明爲解

遠解行於世衆解不行兼攬二家爲備多所遺闕然衆時所解說
近得其實獨以書序言成王既黜殷命還歸在豐作周官則此周
官也失之矣達以爲六鄉大夫則冢宰以下及六遂爲十五萬家
組千里之地甚謬焉此比多多吾甚閔之久矣六鄉之人實居四
同地故云組千里之地者誤矣又六鄉大夫冢宰以下所非者不
著又云多多者如此解不著者多又云至六十爲武都守郡少
事乃述平生之志著易尚書詩禮傳皆訖惟念前業未畢者唯周
官年六十有六目瞑意倦白力補之謂之周官傳也案藝文志云
成帝時以書頗散亡使謁者陳農求遺書于天下詔光祿大夫劉

向校書經傳諸子詩賦向輒條其篇目撮其指意錄而奏之會向
卒哀帝復使向子歆卒父業歆於是總羣書奏其七略故有六藝
七略之屬歆之錄在於哀帝之時不審馬融何云至孝成皇帝命
劉向子歆考理秘書始得列序著於錄略者成帝之時蓋劉向父
子並被帝命至向卒哀帝命歆卒父所修者故今文乖理則是也
故鄭玄序云世祖以來通人達士大中大夫鄭少贛名典及子大
司農仲師名衆故議郎衛次仲侍中賈君景伯南郡太守馬季長
皆作周禮解詁又云玄竊觀二三君子之文章顧省竹帛之浮辭
其所變易灼然如晦之見明其所彌縫奄然如合符復析斯可謂

雅達廣攬者也然猶有參錯同事相違則就其原文字之聲類考訓詁摭秘逸謂二鄭者同宗之大儒明理于典籍猶識皇祖大經周官之義存古字發疑正讀亦信多善徒寡且約用不顯傳于世今讚而辨之庶成此家世所訓也○其名周禮爲尚書周官者周天子之官也書序曰成王既黜殷命滅淮夷還歸在豐作周官是言蓋失之矣案尚書盤庚康誥說命泰誓之屬三篇序皆云某作若干篇今多者不過三千言又書之所作據時事爲辭君臣相誥命之語作周官之時周公又作立政上下之別正有一篇周禮乃六篇又異數萬終始辭句非書之類難以屬之時有若茲焉得從

諸又云斯道也文武所以綱紀周國君臨天下周公定之致隆平龍鳳之瑞然則周禮起於成帝劉歆而成于鄭玄附離之者大半故林孝存以爲武帝知周官末世瀆亂不驗之書故作十論七難以排棄之何休亦以爲六國陰謀之書唯有鄭玄徧覽羣經知周禮者乃周公致太平之迹故能答林碩之論難使周禮義得條通故鄭氏傳曰玄以爲括囊大典網羅衆家是以周禮大行後王之法易曰神而化之存乎其人此之謂也

卷一 天官冢宰第一
 經一條
 冢宰治官之屬
 大宰至夏采凡六十三
 卷二
 冢宰治官之職
 大宰
 卷三
 冢宰治官之職
 大宰

周禮目錄

卷一

天官冢宰第一

經一條

冢宰治官之屬

大宰至夏采凡六十三

卷二

冢宰治官之職

大宰

卷三

冢宰治官之職

大宰

大宰

冢宰治官之職

小宰

宰夫

宮正

宮伯

卷四

冢宰治官之職

膳夫

庖人

內饗

外饗

亨人

甸師

獸人

獻人

鼈人

腊人

卷五

冢宰治官之職

醫師

食醫

疾醫

瘍醫

獸醫

酒正

酒人

漿人

凌人

籩人

卷六

冢宰治官之職

醢人

醢人

鹽人

冢宰

宮人

掌舍

幕人

掌次

大府

卷六 玉府

內府

外府

司會

卷七

冢宰治官之職

司書

職內

職歲

職幣

司裘

掌皮

內宰

內小臣

閹人

寺人

內豎

九嬪

卷八

冢宰治官之職

世婦

女御

女祝

女史

典婦功

典絲

典泉

內司服

縫人

染人

追司

履人

夏采

卷九

地官司徒第二

經一條

司徒教官之屬

大司徒至豪人凡七十九

卷十

司徒教官之職

大司徒

卷十一

司徒教官之職

小司徒

鄉師

卷十二

司徒教官之職

鄉大夫

鄉老附

州長

黨正

族師

閭胥

比長

封人

鼓人

舞師

卷十三

司徒教官之職

牧人

牛人

充人

載師

閭師

縣師

遺人

卷十四

司徒教官之職

均人

師氏

保氏

司諫

司救

調人

媒氏

司市

卷十五

司徒教官之職

質人

廛人

胥師

賈師

司醜

司稽

胥

肆長

泉府

司門

司關

掌節

遂人

遂師

遂大夫

縣正

鄙師

鄩長

里宰

鄰長

卷十六

司徒教官之職

旅師

稍人

委人

卷十七

土均

稻人

土訓

誦訓

山虞

林衡

川衡

澤虞

迹人

巾人

角人

羽人

掌葛

掌染草

掌炭

掌茶

掌蜃

囿人

場人

廩人

舍人

倉人

司祿

卷十八

司稼

春人

豪人

典

饌人

卷十七

春官宗伯第三

卷一經一條

宗伯禮官之屬

大宗伯至家宗人凡六十九

卷十八

宗伯禮官之職

大宗伯

卷十九

宗伯禮官之職

卷十

肆師

鬱人

鬯人

卷二十

宗伯禮官之職

卷十一

司尊彝

司几筵

天府

典瑞

卷二十一

宗伯禮官之職

典命

司服

典祀

守祧

世婦

內宗

外宗

卷二十二

宗伯禮官之職

冢人

墓大夫

職喪

大司樂

卷二十三

宗伯禮官之職

樂師

大胥

小胥

○大師

小師

瞽矇

眡瞭

典同

卷二十四

宗伯禮官之職

磬師

鐘師

笙師

搏師

鞀師

旄人

箛師

箛章

鞀鞀氏

典庸器

司干

大卜

卜師

龜人

善氏

占人

筮人

卷二十五

宗伯禮官之職

占夢

眡禮

大祝

小祝

卷二十六

宗伯禮官之職

高禮

目錄

八

永懷堂

宗喪祝

甸祝

詛祝

卷一 司巫

男巫

女巫

大史

小史

馮相氏

保章氏

內史

外史

卷二十七

宗伯禮官之職

御史

巾車

典路

車僕

司常

都宗人

家宗人

卷二十八

夏官司馬第四

經一條

司馬政官之屬

大司馬至家司馬凡七十

卷二十九

司馬政官之職

大司馬

卷三十

司馬政官之職

周禮

目錄

九

永懷堂

百小司馬之職 軍司馬 輿司馬

卷二 行司馬 司勳 馬質

量人 小子 羊人

百司燿官之職 掌固 司險

卷三 掌疆 候人 環人

挈壺氏 射人 服不氏

射鳥氏 羅氏 掌畜

卷三十一 司馬政官之職

司馬政官之職

司士 諸子 司右

虎賁氏 旅賁氏 節服氏

方相氏 大僕 小臣

祭僕 御僕 隸僕

卷三十二

司馬政官之職

弁師 司甲 司兵

司戈盾 司弓矢 繕人

橐人 戎右 齊右

道石

大馭

戎僕

齊僕

道僕

田僕

馭夫

卷三十三

司馬政官之職

校人

趣馬

巫馬

牧師

廋人

圉師

圉人

職方氏

土方氏

懷方氏

合方氏

訓方氏

形方氏

山師

川師

籛師

匡人

擇人

都司馬

家司馬

卷三十四

秋官司寇第五

經一條

司寇刑官之屬

大司寇至家士凡六十六

司寇刑官之職

大司寇

卷三十五

司寇刑官之職

小司寇

士師

鄉士

遂士

縣士

方士

訝士

朝士

司民

卷三十六

司寇刑官之職

司刑

司刺

司約

司盟

職金

司厲

犬人

司圜

掌囚

掌戮

司隸

罪隸

蠻隸

閩隸

夷隸

貉隸

布憲

禁殺戮

禁暴氏

野廬氏

蜡氏

雍氏

萍氏

司寤氏

司烜氏

卷三十七

司寇刑官之職

條狼氏

修間氏

冥氏

庶氏

穴氏

翬氏

柞氏

雍氏

誓族氏

翦氏

赤友氏

蜎氏

壺涿氏

庭氏

銜枚氏

伊耆氏

大行人

小行人

卷三十八

司寇刑官之職

司儀

行夫

環人

象胥

掌客

掌訝

掌交

掌察

掌貨賄

朝大夫

都則

都士

家士

卷三十九

冬官考工記第六

經一條

考工記之職

輪人至弓人凡三十

輪人

輿人

卷四十八

考工記之職

輶人

築氏

冶氏

桃氏

鳧氏

臬氏

段氏

函人

鮑人

鞞人

韋氏

裘氏

畫績

鍾氏

筐人

幌氏

卷四十一

考工記之職

玉人

柳人

雕人

磬氏

矢人

陶人

旒人

梓人

廬人

匠人

卷四十二

考工記之職

匠人

車人

弓人

周禮目錄

畢



周禮卷一

漢大司農北海鄭玄註

皇明後學東吳金蟠訂

天官冢宰第一

惟王建國辨方正位體國經野設官分職以為民極

建立也周公居攝而作六典之職謂之周禮營邑於上中七年
 致政成王以此禮授之使居雒邑治天下司徒職曰日至之景
 尺有五寸謂之地中天地之所合也四時之所交也風雨之所
 會也陰陽之所和也然則百物阜安乃建王國焉辨別也鄭司
 農云別四方正君臣之位君南面臣北面之屬玄謂考工匠人
 建國水地以縣置槩以縣視以景為規識日出之景與日入之
 景書參諸日中之景夜考之極星以正朝夕是別四方召誥曰
 越三日戊申太保朝至於雒宅厥既得卜則經營越三日庚

周禮

卷一 冢宰治官之屬

天官冢宰

成、太保乃以庶殷攻位於維汭，越五日甲寅位成，正位謂此足宮廟體，猶分也。經謂為之里數，鄭司農云：營國方九里，國中九經，九緯，左祖右社，面朝後市，野則九夫為井，四井為邑之屬是也。鄭司農云：置冢宰、司徒、宗伯、司馬、司寇、司空，各有所職，而百事舉極中也。今天下之人，各得其

乃立天官冢宰，使帥其屬而掌邦治，以佐王均邦國。

掌主也，邦治王所以治邦國也。佐，猶助也。鄭司農云：邦治，謂總六官之職也。故大宰職曰：掌建邦之六典，以佐王治邦國。六官皆總屬於冢宰，故論語曰：君薨，百官總已以聽於冢宰。言冢宰於百官無所不主。爾雅曰：冢，大也。冢宰，大宰也。鄭云：宰，主也。于云：濟其清濁，和其剛柔，而納之中。和曰宰。○大宰音泰，注及後放此。

治官之屬：大宰卿一人，小宰中大夫二人，宰夫下大夫四人，上士八人，中士十有六人，旅下士三十有二人。

變冢言大，進退異名也。百官總焉，則謂之冢。列職於王，則稱大冢。大之上也。山頂曰冢。旅，衆也。下士，治衆事者。自大宰至旅下士，轉相副貳，皆王臣也。王之卿六命，其大夫四命，士以三命而下為差。

府六人，史十有二人。

府，治藏。史，掌書者。凡府史皆其官長所自辟除。

胥十有二人，徒百有二十人。

此民給僱役者。若今衛士矣。胥，讀如諧。謂其有才知為什長。○徒，音遙，謂思敘反。

宮正上士二人，中士四人，下士八人，府二人，史四人，胥四人，徒四十人。

正，長也。宮正，主宮中官之長。曰宮正，此以下鄭總列六十職序于註，則各於其職前列之。

宮伯中士二人下士四人府一人史二人胥二人徒二十人

伯長也

膳夫上士二人中士四人下士八人府二人史四人胥十有二人

徒百有二十人

膳之言善也今時美物曰珍膳膳夫食官之長也鄭司農以詩說之曰仲允膳夫

庖人中士四人下士八人府二人史四人賈八人胥四人徒四十

人

庖之言苞也裹肉曰苞其賈主市買知物賈○賈八人音古劉音嫁下放此裹音果苴子餘反物賈音嫁

內饗中士四人下士八人府二人史四人胥十人徒百人

饗割烹煎和之稱內饗所主在內○亨普庚反稱尺證反

外饗中士四人下士八人府二人史四人胥十人徒百人

外饗所主在外

亨人下士四人府一人史二人胥五人徒五十人

主為外內饗羹肉者○亨普庚反為于為反

甸師下士二人府一人史二人胥三十人徒三百人

郊外曰甸師猶長也甸師主共野物官之長○甸田遍反共音恭下皆同

獸人中士四人下士八人府二人史四人胥四人徒四十人

甸人中士二人下士四人府二人史四人胥三十人徒三百人

甸豐

一冢宰治官之屬

三

永懷堂

○獻音魚本又作魚亦作獻同又音御

鼈人下士四人。府二人。史二人。徒十有六人。

○鼈必列反

腊人下士四人。府二人。史二人。徒二十人。

○腊之言夕也。腊音昔

醫師上士二人。下士四人。府二人。史二人。徒二十人。

醫師衆醫之長

食醫中士二人。

食有和齊藥之類。○和胡臥反齊才計反

疾醫中士八人。

瘍醫下士八人。

瘍剝癰也。○瘍音羊剝初良反

獸醫下士四人。

獸牛馬之類

酒正中士四人。下士八人。府二人。史八人。胥八人。徒八十人。

酒正酒官之長

酒人奄十人。女酒三十人。奚三百人。

奄精氣閉藏者。今謂之宦人。月令仲冬其器闔以奄。女酒女奴。女奴者古者從坐男女。沒入縣官為奴。其少才知以為奚。今之

侍史官婢或曰奚宦女

漿人奄五人女漿十有五人奚百有五十人

女漿女奴曉漿者

凌人下士二人府二人史二人胥八人徒八十人

凌冰室也詩云二之日鑿冰沖沖三之日納于凌陰

籩人奄一人女籩十人奚二十人

竹曰籩女籩女奴之曉籩者

醢人奄一人女醢二十人奚四十人

醢豆實也不謂之豆此主醢豆不盡于醢也女醢女奴曉醢者○醢呼在反盡津悉反

醢人奄二人女醢二十人奚四十人

女醢女奴曉醢者○醢呼西反

鹽人奄二人女鹽二十人奚四十人

女鹽女奴曉鹽者

幕人奄一人女幕十人奚二十人

以巾覆物曰幕女幕女奴曉幕者幕莫歷反

宮人中士四人下士八人府二人史四人胥八人徒八十人

掌舍下士四人府二人史四人徒四十人

舍行所解止之處○解佳貴反

幕人下士一人。府二人。史二人。徒四十人。

幕帷覆上者。○幕武博反。

掌次下士四人。府四人。史二人。徒八十人。胥八人。甸八十八人。

次自修止之處。

大府下大夫二人。上士四人。下士八人。府四人。史八人。賈十有六

人。胥八人。徒八十人。

大府為王治藏之長。若今司農矣。

玉府上士二人。中士四人。府二人。史二人。工八人。賈八人。胥四人。

徒四十有八人。

工能攻玉者。

內府中士二人。府一人。史二人。徒十人。

內府主良貨賄藏。在內者。○賄呼罪反。

外府中士二人。府一人。史二人。徒十人。

外府主泉藏在外者。

司會中大夫二人。下大夫四人。上士八人。中士十有六人。府四人。

史八人。胥五人。徒五十人。

會大計也。司會主天下之大計。計官之長。若今尚書。○會古外反。注同尚音常。

司書上士二人。中士四人。府二人。史四人。徒八人。

司書

一冢宰治官之屬

司書主計會之簿書

職內上士二人中士四人府四人史四人徒二十人

職內主入也若今之泉所入謂之少內○少詩照反

職歲上士四人中士八人府四人史八人徒二十人

主歲計以歲斷○斷丁亂反

職幣上士二人中士四人府二人史四人賈四人胥二人徒二十人

司裘中士二人下士四人府二人史四人徒四十人

掌皮下士四人府二人史四人徒四十人

內宰下大夫二人上士四人中士八人府四人史八人胥八人徒八十人

內宰宮中官之長

內小臣奄上士四人史二人徒八人

奄稱士者異其賢

閹人王宮每門四人圍游亦如之

閹人司昏晨以啓閉者刑人墨者使守門圍御苑也游離宮也

寺人王之正內五人

寺之言侍也詩云寺人孟子正內賂寢

冢宰治官之屬

內豎倍寺人之數

豎未冠者之官名。○冠古亂反

九嬪

嬪婦也。昏義曰：古者天子后立六宮三夫人九嬪二十七世婦八十一御妻以聽天下之內治以明章婦順故天下內和而家理也不列夫人于此官者夫人之于后猶三公之於王坐而論婦禮無官職

世婦

不言數者君子不苟於色有婦德者克之無則闕

女御

昏義所謂御妻御猶進也侍也

女祝四人奚八人

女祝女奴曉祝事者

女史八人奚十有六人

女史女奴曉書者

典婦功中士二人下士四人府一人史四人工四人賈四人徒二十人

典主也典婦功者主婦人絲枲功官之長

典絲下士二人府二人史三人賈四人徒十有二人

典枲下士二人府二人史二人徒二十人

司禮

卷一 冢宰治官之屬

承慶堂

○泉絲里反

內司服奄二人女御二人奚八人

內司服主宮中裁縫官之長有女御者以衣服進或當於正廣其禮使無色過○縫成奉容反徐扶用反

縫人奄二人女御八人女工八十人奚三十人

女工女奴曉裁縫者

染人下士二人府二人史二人徒二十人

追師下士二人府一人史二人工二人徒四人

追治玉石之名○追丁反一曰雕

屨人下士二人府一人史一人工八人徒四人

夏采下士四人史一人徒四人

夏采夏翟羽色禹貢徐州貢夏翟之羽有虞氏以為綉後世或無故染鳥羽象而用之謂之夏采○夏戶雅反注同綉如誰及

周禮卷一 終

大宰之職掌三典以辨九職一曰辨九職二曰辨九比三曰辨九比
 大司馬之職掌六典以辨九比一曰辨九比二曰辨九比三曰辨九比
 大司徒之職掌三典以辨九比一曰辨九比二曰辨九比三曰辨九比
 大司空之職掌三典以辨九比一曰辨九比二曰辨九比三曰辨九比
 大司農之職掌三典以辨九比一曰辨九比二曰辨九比三曰辨九比
 大司馬之職掌六典以辨九比一曰辨九比二曰辨九比三曰辨九比
 大司徒之職掌三典以辨九比一曰辨九比二曰辨九比三曰辨九比
 大司空之職掌三典以辨九比一曰辨九比二曰辨九比三曰辨九比
 大司農之職掌三典以辨九比一曰辨九比二曰辨九比三曰辨九比

周禮卷二

漢大司農井海鄭 玄註

皇明 後學東吳葛 彞訂

冢宰治官之職

大宰之職掌建邦之六典以佐王治邦國一曰治典以經邦國以
 治官府以紀萬民二曰教典以安邦國以教官府以擾萬民三曰
 禮典以和邦國以統百官以諧萬民四曰政典以平邦國以正百
 官以均萬民五曰刑典以詰邦國以刑百官以糾萬民六曰事典
 以富邦國以任百官以生萬民

大曰邦，小曰國，邦之所居亦曰國，典常也。經也，灋也。王謂之禮，經常所秉以治天下也。邦國官府謂之禮，灋常所守以為灋式也。常者，其上下通名，擾猶馴也，統猶合也。詰猶禁也。書曰：度作詳刑，以詰四方。任猶俸也。生猶養也。鄭司農云：治典，冢宰之職，故立其官曰使帥其屬而掌邦治，以佐王均邦國。教典，司徒之職，故立其官曰使帥其屬而掌邦教，以佐王安擾邦國。禮典，宗伯之職，故立其官曰使帥其屬而掌邦禮，以佐王和邦國。政典，司馬之職，故立其官曰使帥其屬而掌邦政，以佐王平邦國。刑典，司寇之職，故立其官曰使帥其屬而掌邦禁，以佐王刑邦國。此三時皆有官，唯冬無官，又無司空，以三隅反之，則事與司空之職也。司空之篇亡，小宰職曰：六曰冬官，其屬六十，掌邦事。度待洛反，傳側吏反。

以八灋治官府。一曰官屬，以舉邦治。二曰官職，以辨邦治。三曰官聯，以會官治。四曰官常，以聽官治。五曰官成，以經邦治。六曰官灋，以正邦治。七曰官刑，以糾邦治。八曰官計，以弊邦治。

百官所居曰府，弊，斷也。鄭司農云：官屬謂六官，其屬各六十。今博七大史大宰大祝大樂屬大常也。小宰職曰：以官府之六屬舉邦治。一曰天官，其屬六十是也。官職謂六官之職，小宰職曰：以官府之六職辨邦治。一曰治職，二曰教職，三曰禮職，四曰政職，五曰刑職，六曰事職。官聯謂國有大事，一官不能獨共，則六官共舉之，聯讀為連。古書連作聯，謂連事通職相佐助也。小宰職曰：以官府之六聯會邦治。一曰祭祀之聯事，二曰賓客之聯事，三曰喪荒之聯事，四曰軍旅之聯事，五曰田役之聯事，六曰斂弛之聯事。官常謂各自領其官之常職，非連事通職所共也。官成謂官府之成事品式也。小宰職曰：以官府之八成經邦治。一曰聽政役，以比居。二曰聽師田，以簡穡。三曰聽閭里，以版圖。四曰聽稱責，以傅別。五曰聽祿位，以禮命。六曰聽取予，以書契。七曰聽賣買，以質劑。八曰聽出入，以要會。官灋謂職所主之灋度，官職，主祭祀朝覲會同賓客者，則皆自有其灋度。小宰職曰：以灋掌祭祀朝覲會同賓客之戒具。官刑，謂司刑所掌墨鼻，劓，剕，臠，宮，臠，殺，辜也。官計，謂三年則大計羣吏之治，而誅賞之。玄謂官刑，司寇之職。五刑，其四曰官刑，上能糾職，官計，謂小宰之六計，所以斷羣吏之治。灋，古法字，斷丁亂反，比毗，忌。

反傳別音附下彼列反劑子隨反要於妙反朝直
逢反凡朝覲皆同臯古罪字馴魚莫反刑音月

以八則治都鄙一曰祭祀以馭其神二曰灋則以馭其官三曰廢
置以馭其吏四曰祿位以馭其士五曰賦貢以馭其用六曰禮俗
以馭其民七曰刑賞以馭其威八曰田役以馭其衆

都之所居曰鄙則亦灋也典灋則所用異異其名也都鄙公卿
大夫之采邑王子弟所食邑周召毛聃畢原之屬在畿內者祭
祀其先君社稷五祀灋則其官之制度廢猶退也退其不能者
舉賢而置之祿若今月奉也位爵次也賦口率出泉也貢功也
九職之功所稅也禮俗昏姻喪紀舊所行也鄭司農云土謂學
士○聃乃耳反奉符用反率徐劉音類咸音律一音所律反

以八柄詔王馭羣臣一曰爵以馭其貴二曰祿以馭其富三曰予
以馭其幸四曰置以馭其行五曰生以馭其福六曰奪以馭其貧

七曰廢以馭其罪八曰誅以馭其過

柄所秉執以起事者也詔告也助也爵謂公侯伯子男卿大夫
士也詩云誨爾序爵言教王以賢否之第次也班祿所以富臣
下善曰凡厥正人既富方穀幸謂言行偶合於善則有以賜予
之以勸後也生猶養也賢臣之老者王有以養之成王封伯禽
於魯曰生以養周公死以爲周公後是也五福一曰壽奪謂臣
有大罪沒入家財者六極四曰貧廢猶放也舜殛鯀于羽山是
也誅責讓也曲禮曰齒路馬有誅凡言馭者所以馭之內
之於善○行下孟反注同殛紀力反鯀古本反馭起俱反

以八統詔王馭萬民一曰親親二曰敬故三曰進賢四曰使能五
曰保庸六曰尊貴七曰達吏八曰禮賓

統所以合率以等物也親親若堯親九族也敬故不慢舊也晏
平仲久而敬之賢有善行也能多才藝者保庸安有功者尊貴
尊天下之貴者孟子曰天下之達尊者三曰爵也德也齒也祭
義曰先王之所以治天下者五貴有德貴貴貴老敬長慈幼達

唐禮
客諸侯所以示民親仁善鄰

以九職任萬民。一曰三農。生九穀。二曰園圃。毓草木。三曰虞衡。作山澤之材。四曰藪牧。養蕃鳥獸。五曰百工。飭化八材。六曰商賈。阜通貨賄。七曰嬪婦。化治絲枲。八曰臣妾。聚斂疏材。九曰閒民。無常職。轉移執事。

任猶俾也。鄭司農云。三農。平地山澤也。九穀。黍稷秫稻麻大小豆大小麥。八材。珠曰玳。象曰瑳。玉曰琢。石曰磨。木曰刻。金曰鏤。韋曰剝。羽曰析。閒民。謂無事業者。轉移為人執事。若今傭賃也。玄謂三農。原隰及平地。九穀。無秫大麥。而有梁苽。樹果菘曰圃。圃其樊也。虞衡。掌山澤之官。主山澤之民者。澤無水曰藪。牧。田在遠郊。皆畜牧之地。行曰商。處曰賈。阜。盛也。金玉曰貨。布帛曰賄。嬪。婦人之美稱也。堯典曰。釐降二女。嬪于虞。臣妾。男女貧賤之稱。晉惠公卜懷公之生。曰將生一男一女。嬪于虞。臣妾。男女為

人妾。生而名其男曰圉。女曰妾。及懷公質於秦。妾為宦女焉。疏材。百草根實可食者。疏不熟曰饑。毓。古育字。飭音勑。賈音古。閒音閉。秫音述。為。人于偽反。傭音容。貨。女。鳩反。苽音瓜。菘。力果反。質。猪二反。

以九賦斂財賄。一曰邦中之賦。二曰四郊之賦。三曰郊甸之賦。四曰家削之賦。五曰邦縣之賦。六曰邦都之賦。七曰關市之賦。八曰山澤之賦。九曰幣餘之賦。

財。泉穀也。鄭司農云。邦中之賦。二十而稅一。各有差也。幣餘。百工之餘。玄謂賦。口率出泉也。今之算泉。民或謂之賦。此其舊名。與。鄉大夫以歲時登其夫家之眾寡。辨其可任者。國中自七尺以及六十。野自六尺以及六十。有五。皆征之。遂師之職亦云。以徵其財。征皆謂此賦也。邦中。在城郭者。四郊。去國百里。邦甸。二百里。家削。三百里。邦縣。四百里。邦都。五百里。此平民也。關市。山澤。謂古會百物。幣餘。謂古賣國中。之斥幣。幣。未作常增賦者。若今賈人倍算矣。自邦中以至幣餘。各入其所。有穀物。以當賦。泉

周禮
卷二 冢宰治官之職

之數每處為一書所待異也。○削本亦作稍又作節所教反

以九式均節財用。一曰祭祀之式。二曰賓客之式。三曰喪荒之式。四曰羞服之式。五曰工事之式。六曰幣帛之式。七曰芻秣之式。八曰匪頒之式。九曰好用之式。

式謂用財之節度荒凶年也。羞飲食之物也。工作器物者幣帛所以贈勞賓客者芻秣養牛馬禾穀也。鄭司農云匪分也。頒讀為班布之珽謂班賜也。玄謂王所分賜羣臣也。好用燕好所賜予。○好呼報反。勞力報反。

以九貢致邦國之用。一曰祀貢。二曰嬪貢。三曰器貢。四曰幣貢。五曰材貢。六曰貨貢。七曰服貢。八曰斿貢。九曰物貢。

嬪故書作賓。鄭司農云祀貢犧牲包茅之屬。貨貢皮帛之屬。器貢宗廟之器。幣貢繡帛材貢木材也。貨貢珠貝自然之物也。服

貢祭服。斿貢羽毛。物貢九州之外各以其所貴為摯。肅慎氏貢楛矢之屬是也。玄謂嬪貢絲枲器貢銀鐵石磬丹漆也。幣貢玉馬皮帛也。材貢檀榘栝櫟篠簜也。貨貢金玉龜貝也。服貢絺紵也。斿讀如囿游之游。斿貢燕好珠璣琅玕也。物貢雜物魚鹽橘柚。嬪音賓。栝音戶。櫟音倫。反。榘音且。反。篠音了。反。蕩大黨。反。琅音郎。玕音于。柚羊九反。一音羊受反。

以九兩繫邦國之民。一曰牧。以地得民。二曰長。以貴得民。三曰師。以賢得民。四曰儒。以道得民。五曰宗。以族得民。六曰主。以利得民。七曰吏。以治得民。八曰友。以任得民。九曰數。以富得民。

兩猶耦也。所以協耦萬民繫聯綴也。牧州長也。九州各有封域以居民也。長諸侯也。一邦之貴民所仰也。師諸侯師氏有德行以教民者。儒諸侯保氏有六藝以教民者。宗繼別為大宗收族者。鄭司農云主謂公卿大夫。世世食采不絕。民稅薄利之。玄謂利讀如上。思利民之利。謂以政教利之。吏小吏在鄉邑者。友謂同井相合耦。勸作者。孟子曰鄉田同井出入相友守望相助疾

病相扶持則百姓親睦。藪亦有虞掌其政令為之厲禁使其地
之民守其材物以時入于王府。頒其餘於萬民。富謂藪中材物
○行下孟
反勑音助

正月之吉始和布治于邦國都鄙。乃縣治象之灋于象魏使萬民
觀治象挾日而斂之。

正月周之正月吉謂朔日大宰以正月朔日布王治之事於天
下至正歲又書而縣于象魏振木鐸以徇之使萬民觀焉小宰
亦帥其屬而往皆所以重治法新王事也凡治有故言始和者
若改造云爾鄭司農云象魏闕也故魯災季桓子御公立于象
魏之外命藏象魏曰舊章不可忘從
甲至甲謂之挾日凡十日○縣音玄

乃施典于邦國而建其牧立其監設其參傳其伍陳其殷置其輔
乃者更申勑之以侯伯有功德者加命作州長謂之牧所謂八
命作牧者監謂公侯伯子男各監一國書曰王啓監厥亂為民

參謂卿三人伍謂大夫五人鄭司農云殷治律輔為民之平也
亥謂殷眾也謂眾士也王制諸侯上士二十七人其中士下士
各居其上之三分輔府史庶人在官者○
參七南反傅戚音附監古樹反為于偽反

乃施則于都鄙而建其長立其兩設其伍陳其殷置其輔
長謂公卿大夫王子弟食采邑者兩謂兩卿不
言三卿者不足于諸侯鄭司農云兩謂兩丞三月

正謂冢宰司徒宗伯司馬司寇司空也貳謂小宰小司徒小宗
伯小司馬小司寇小司空也考成也佐成事者謂宰夫鄉師肆
師軍司馬士師也
司空亡未聞其考

凡治以典待邦國之治以則待都鄙之治以灋待官府之治以官
成待萬民之治以禮待賓客之治

成，入成禮。賓禮也。

祀五帝則掌百官之誓戒與其具修

祀五帝謂四郊及明堂誓戒要之以刑重失禮也明堂位所謂各揚其職百官廢職服大刑是其辭之略也具所當共修掃除糞酒○要一送反酒色賣反

前期十日帥執事而卜日遂戒

前期前所諏之日也十日容散齊七日致齊三日執事宗伯大卜之屬既卜又戒百官以始齊○諏子須反散齊西但反下側皆反

及執事既滌濯

執事初為祭事前祭日之父滌濯謂澆祭器及甑甗之屬○既音視本又作視後皆同澆古愛反甗魚善反徐音彦一音言本

又作甑音歷

及納亨贊王牲事

納亨納牲將告殺謂鄉祭之晨既殺以授亨人凡大祭祀君親牽牲大夫贊之○亨音庚反鄉許亮反

及祀之日贊玉幣爵之事

日且明也玉幣所以禮神玉與幣各如其方之色爵所以獻齊酒不用玉爵尚質也三者執以從王至而授之○齊才計反

祀大神示亦如之

大神祗謂天地○示本又作祗音畿

享先王亦如之贊玉几玉爵

玉几所以依神天子左石玉几宗廟獻用玉爵

周禮

卷二 冢宰治官之職

大朝覲會同贊玉幣玉獻玉几玉爵

助王受此四者時見曰會殷見曰同大會同或於春朝或於秋觀舉春秋則冬夏可知玉幣諸侯享幣也其合亦如小行人所合六幣云玉獻獻國珍異亦執玉以致之玉几王所依也立而設几優尊者玉爵王禮諸侯之酢爵王朝諸侯立依前南面其禮之於阼階上○見賢遍反下同朝直遙反下文同依於豈反本亦作宸

大喪贊贈玉含玉

助王為之也贈玉既窆所以送先王含玉死者口實天子以玉雜記曰含者執璧將命曰寡君使某含則諸侯含以璧鄭司農云含玉璧琇○含本又作哈戶暗反後同空波驗反琮才宗反

作大事則戒于百官贊王命

助王為教令春秋傳曰國之大事在祀與戎

王砥治朝則贊聽治

治朝在路門外群臣治事之朝王視之則助王平斷

砥四方之聽朝亦如之

謂王巡守在外時○守音狩後巡狩皆放此

凡邦之小治則冢宰聽之待四方之賓客之小治

大事夫於王小事冢宰傳平

歲終則令百官府各正其治受其會

正正處也會大計也

聽其致事而詔王廢置

司禮

冢宰治官之職

平其事來至者之功狀而奏白王

三歲則大計羣吏之治而誅賞之。

事夕則聽之。大無功不徒廢。必罪之。大有功不徒置。必賞之。鄭司農云。三載考績。

周禮卷二終

周禮卷三

漢大司農北海鄭玄註

皇明後學東吳金蟠訂

冢宰治官之職

小宰之職。掌建邦之宮刑。以治王宮之政令。凡宮之糾禁。

杜子春云。宮皆當為官。玄謂宮刑在王宮中者之刑。建。明布告之。糾。猶割也。察也。若今御史中丞。

掌邦之六典。八灋。八則之貳。以逆邦國都鄙官府之治。

逆。迎受之。鄭司農云。貳。副也。

執邦之九貢。九賦。九式之貳。以均財節邦用。

周禮

卷三 冢宰治官之職

天長堂

以官府之六叙正羣吏。一曰以叙正其位。二曰以叙進其治。三曰以叙作其事。四曰以叙制其食。五曰以叙受其會。六曰以叙聽其情。

叙秩次也。謂先尊後卑也。治功狀也。食祿之多少。情爭訟之辭。

以官府之六屬舉邦治。一曰天官。其屬六十。掌邦治。大事則從其長。小事則專達。二曰地官。其屬六十。掌邦教。大事則從其長。小事則專達。三曰春官。其屬六十。掌邦禮。大事則從其長。小事則專達。四曰夏官。其屬六十。掌邦政。大事則從其長。小事則專達。五曰秋官。其屬六十。掌邦刑。大事則從其長。小事則專達。六曰冬官。其屬

六十。掌邦事。大事則從其長。小事則專達。

大事從其長。若庖人。內外饗與膳夫。共王之食。小事專達。若宮人。掌舍各為一官。六官之屬三百六十。象天地四時日月星辰之度數。天道備焉。前此者。成王作周官。其志有述。天授位之義。故周公設官分職以瀟之。

以官府之六職辨邦治。一曰治職。以平邦國。以均萬民。以節財用。二曰教職。以安邦國。以寧萬民。以懷賓客。三曰禮職。以和邦國。以諧萬民。以事鬼神。四曰政職。以服邦國。以正萬民。以聚百物。五曰刑職。以詰邦國。以糾萬民。以除盜賊。六曰事職。以富邦國。以養萬民。以生百物。

懷亦安也。賓客來。其其委積。所以安之。聚百物者。司馬主九畿。職方制其貢。各以其所有。積子賜反。

同豐

卷三 冢宰治官之職

二

天官

以官府之六聯合邦治。一曰祭祀之聯事。二曰賓客之聯事。三曰喪荒之聯事。四曰軍旅之聯事。五曰田役之聯事。六曰斂苑之聯事。凡小事皆有聯。

鄭司農云：大祭祀，大宰贊玉幣，司徒奉牛牲，宗伯視滌濯，泣玉。滄省牲，鑊奉玉盥，司馬羞魚牲，奉馬牲，司寇奉明火，大喪，大宰贊贈玉，舍玉，司徒帥六鄉之衆庶，屬其六糾，宗伯為上，相司馬平士大夫，司寇前王，此所謂官職。杜子春施讀為施，玄謂荒政，弛力役，及國中貴者，賢者，服公事者，老者，疾者，皆舍，不以力役之事奉牲者，其司空奉豕與。○鑊，戶郭反，盥音吝，燭紉音引相，息亮反。

以官府之八成經邦治。一曰聽政役，以比居。二曰聽師田，以簡稽。三曰聽閭里，以版圖。四曰聽稱，責以傅別。五曰聽祿位，以禮命。六

曰聽取予，以書契。七曰聽賣買，以質劑。八曰聽出入，以要會。

鄭司農云：政，謂軍政也。役，謂發兵起徒役也。比居，謂伍籍也。比地為伍，因內政寄軍令，以伍籍發軍起役者，平而無遺脫也。簡稽，士卒兵器簿書簡，猶閱也。稽，猶計也。合也。合計其士之卒伍，閱其兵器為之要簿也。故遂人職曰：稽其人民，簡其兵，器，國語曰：黃池之會，吳陳其兵，皆官師擁鐸拱稽。版，戶籍圖，地圖也。聽人訟地者，以版圖決之。司書職曰：邦中之版，土地之圖，稱責謂貸予，傅別，謂券書也。聽訟責者，以券書決之。傅，傅著約束於文書別，別為兩，兩家各得一也。禮命，謂九賜也。書契，符書也。質劑，謂市中平買，今時月平是也。要會，謂計最之簿書。月計曰要，歲計曰會。故宰夫職曰：歲終則令羣吏正歲會。月終則令正月要。傅別，故書作傅，辨鄭大夫讀為符別。杜子春讀為傅別，玄謂政謂賦也。凡其字或作政，或作正，或作征，以多言之。宜從征，如孟于交征利云。傅別，謂為大手書于一札。中字別之書契，謂出予受入之。凡要凡簿書之最目，獄訟之要辭，皆曰契。春秋傳曰：王叔氏不能舉其契，質劑謂兩書一札，同而別之。長曰質，短曰劑。傅別質劑，皆今之券書也。事異，異其名耳。禮命，禮之九命之差。

等。○此毗志反傳音附別彼列反要會古外反著直略反賈音嫁月平劉音病

以聽官府之六計。弊羣吏之治。一曰廉善。二曰廉能。三曰廉敬。四曰廉正。五曰廉瀆。六曰廉辨。

聽平治也。平治官府之計有六事。弊斷也。既斷以六事。又以廉為本。善善其事。有辭譽也。能政令行也。敬不解于位也。正行無傾邪也。瀆守瀆不失也。辨辨然不疑惑也。杜子春云。廉辨或為廉端。○斷丁亂反。

以瀆掌祭祀朝覲會同賓客之戒具。軍旅田役喪荒亦如之。

瀆謂其禮瀆也。戒具。戒官有事者所當共。

七事者。令百官府共其財用。治其施舍。聽其治訟。

七事謂先四如之者三也。施舍不給役者。七事故書為小事。杜子春云。當為七事。書亦為七事。○共音恭。禮本供事皆作共。

凡祭祀贊王幣爵之事。裸將之事。

又從大宰助王也。將送也。裸送。送裸。謂贊王酌鬱鬯以獻。凡謂之裸。裸之言灌也。明不為飲。主以祭祀。唯人道宗廟有裸。天地大神至尊。不裸。莫稱焉。凡鬱鬯受祭之。啐之。奠之。○裸古亂反。為合為反。啐寸對反。

凡賓客贊裸。凡受爵之事。凡受幣之事。

唯裸助宗伯其餘皆助大宰。王不酌賓客而有受酢。大宗伯職曰。大賓客則攝而載裸。

喪荒受其含禭幣玉之事。

春秋傳曰。口實曰含。衣服曰禭。凶荒有幣玉者。賓客所賜委之禮。○禭音遂。賜音周。

月終則以官府之叙。受羣吏之要。

主每月之小計。

周禮

卷三 冢宰治官之職

四

示骨室

贊冢宰受歲會歲終則令羣吏致事

使齋歲盡文書來至若令一計○齋子兮反上時掌反

刑。正歲帥治官之屬而觀治象之灋狗以木鐸曰不用灋者國有常

正歲謂夏之正月得四時之正以出教令者審也古者將有新令必奮木鐸以警眾使明聽也木鐸木舌也文事奮木鐸武事奮金鐸

乃退以宮刑憲禁于王宮

憲謂表縣之若今新有灋令云

令于百官府曰各修乃職攷乃灋待乃事以聽王命其有不共則

國有大刑

乃猶女也

宰夫之職掌治朝之灋以正王及三公六卿大夫羣吏之位掌其

禁令

治朝在路門之外其位司士掌焉宰夫察其不如儀○朝直遙反

敘羣吏之治以待賓客之令諸臣之復萬民之逆

恒次敘諸吏之職事三者之來則應使辦理之鄭司農云復請也逆迎受王命者宰夫主諸臣萬民之復逆故詩人重之曰家伯維宰玄謂復之言報也反也反報於王謂於朝廷奏事自下而上曰逆逆謂上書

掌百官府之徵令辨其八職一曰正掌官灋以治要二曰師掌官

周禮

卷三 冢宰治官之職

五

承襲堂

成以治凡三曰司。掌官灋以治目。四曰旅。掌官常以治數。五曰府。掌官契以治藏。六曰史。掌官書以贊治。七曰胥。掌官敘以治敘。八曰徒。掌官令以徵令。

別異諸官之八職以備王之徵召所為正辟於治官則冢宰也。治要若歲計也。師辟小宰宰夫也。治凡若月計也。司辟上士中士治目若今日計也。旅辟下士也。治數每事多少異也。治藏藏文書及器物贊治若今起文書草也。治叙次序官中如今侍曹伍伯傳吏朝也。徵令趨走給招呼。○藏寸浪反注治藏同別彼列反辟音譬。

掌治灋以攷百官府羣都縣鄙之治。乘其財用之出入。凡失財用物辟名者。以官刑詔冢宰而誅之。其足用長財善物者賞之。

羣都諸采邑也。六遂五百家為鄙。五鄙為縣。言縣鄙而六鄉州黨亦存焉。乘猶計也。財泉穀也。用貨賄也。物畜獸也。辟名詐為

以式灋掌祭祀之戒具。與其薦羞。從大宰而砥滌濯。

薦脯醢也。羞庶羞內羞。

凡禮事贊小宰比官府之具。

比按次之。

凡朝覲會同賓客。以牢禮之灋。掌其牢禮。委積膳獻。飲食賓賜之。殮牽與其陳數。

牢禮之灋多少之差及其時也。三牲牛羊豕具為一牢。委積謂牢米新芻給賓客道用也。膳獻禽羞俶獻也。飲食燕饗也。鄭司農云。殮夕食也。春秋傳。絜。有陪鼎。牽。牲牢可牽而行者。春秋傳曰。餼牽竭矣。玄謂殮客始至所致禮。凡此禮陳數存可見者。

司禮

卷三 冢宰治官之職

水

天壤堂

唯有行人掌客及聘禮公食大夫
○委積子賜反食音嗣傲昌六反

凡邦之弔事掌其戒令與其幣器財用凡所共者

弔事弔諸侯諸臣幣所用賻也器所致明器也凡喪始成弔而舍襚葬而贈贈其間加恩匹則有賻焉春秋譏武氏子來求賻

○賻音附

大喪小喪掌小官之戒令帥執事而治之

大喪王后世子也小喪夫人以下小官士也其大官則冢宰掌其戒令治謂共辨

三公六卿之喪與職喪帥官有司而治之凡諸大夫之喪使其旅帥有司而治之

旅冢宰下士

歲終則令羣吏正歲會月終則令正月要旬終則令正日成而以攷其治治不以時舉者以告而誅之

歲終自周季冬正猶定也旬十日也治不時舉者謂違時令失期會

正歲則以灋警戒羣吏令修宮中之職事

警勅戒之言鄭司農云正歲之正月以灋戒勅羣吏

書其能者與其良者而以告于上

良尤善也上謂小宰大宰也鄭司農云若今時舉孝廉賢良方正茂才異等

宮正掌王宮之戒令糾禁

糾猶割也察也

周禮

卷三 冢宰治官之職

七

承襲堂

以時比宮中之官府。次舍之衆寡。

時四時比按次其人之在否官府之在宮中者若膳夫玉府內宰內史之屬次諸吏直宿若今部署諸廬者舍其所居寺

為之版以待。

鄭司農云為官府次舍之版圖也待待比也玄謂版其人之名籍待待戒令及比。

夕擊柝而比之。

夕莫也莫行夜以比直宿者為其有解惰離部署鄭司農云柝戒守者所擊也易曰重門擊柝以待暴客春秋傳曰魯擊柝聞於邾○柝吐各反莫音暮行下孟反為于偽反解佳賣反重直龍反

國有故則令宿其比亦如之。

鄭司農云故謂既災令宿宿衛王宮春秋傳曰忘守必危况有災乎玄謂故凡非常也文王世子曰公有出疆之政庶子以公

族之無事者守於公宮正室守太廟諸父守貴宮貴室諸子守孫守下宮下室此謂諸侯也王之庶子職掌國子之倅國有大事則帥國子而致於太子唯所用之者令宿之事蓋亦存焉○倅七內反

辨外內而時禁。

鄭司農云分別外人內人禁其非時出入○別彼列反

稽其功緒糾其德行。

稽考也計也功吏職也緒其志業○行下孟反

幾其出入均其稍食。

鄭司農云幾其出入若今時宮中有罪禁止不能出亦不得入及無引籍不得入宮司馬殿門也玄謂幾呵其衣服持操及疏數者稍食祿稟○數音朔稟彼錦反

司禮

家宰治官之職

八

天

去其淫怠與其奇袤之民。

民宮中吏之家人也淫放濫也怠解慢也奇袤譎
鄙非常○去起呂反奇音羈袤似嗟反亦作邪

會其什伍而教之道藝。

五人為伍二伍為什會之者使之輩作輩學相勸帥且寄宿衛
之令鄭司農云道謂先王所以教道民者藝謂禮樂射御書數

月終則會其稍食歲終則會其行事。

行軍吏
職也

凡邦之大事令于王宮之官府次舍無去守而聽政令。

便居其處
待所為

春秋以木鐸修火禁。

火星以春出以秋
入因天時而以戒

凡邦之事蹕宮中廟中則執燭。

鄭司農讀火絕之云禁凡邦之事蹕國有事王當出則宮正上
禁絕行者若今時衛七填街蹕也宮中廟中則執燭宮正主為
王於宮中廟中執燭玄謂事祭事也邦之祭社稷七祀於宮中
祭先公先王於廟中隸僕掌蹕止行者宮正則執燭以為明春
秋傳曰有大事於大廟又曰有
事於武宮○蹕音畢填音田

大喪則授廬舍辨其親疏貴賤之居。

廬倚廬也舍聖室也親者貴者居倚廬疏者
賤者居聖室雜記曰大夫居廬士居聖室

宮伯掌王宮之士庶子凡在版者。

鄭司農云庶子宿衛之官版各籍也以版為之今時鄉戶籍謂
之戶版玄謂王宮之士謂王宮中諸吏之適子也庶子其支庶

周禮

卷三

天宰治官之職

九

禾稷堂

也。適。丁歷反。

掌其政令行其秩敘作其徒役之事。

秩祿稟也。叙才等也。作徒役之事。天子所用。

授八次八舍之職事。

衛王宮者必居四角四中於徽候便也。鄭司農云。庶子衛王宮。在內為次。在外為舍。玄謂次其宿衛所在。舍其休休之處。○徽。古弔反。

若邦有大事作宮眾則令之。

謂王宮之士庶子於邦有大事或選當行。

月終則均秩歲終則均敘以時頒其衣裘掌其誅賞。

頒讀為班。班布也。衣裘若今賦冬夏衣。

周禮卷三終

冢宰治官之職

[Blank area with vertical lines, likely for notes or a table]

周禮卷四

漢大司農北海鄭

玄註

皇明

後學東吳葛

森訂

冢宰治官之職

膳夫掌王之食飲膳羞以養王及后世子。

食飯也。飲酒漿也。膳牲肉也。羞有滋味者。凡養之具。犬略有四。○食音嗣。飯狄萬反。

凡王之饋食用六穀。膳用六牲。飲用六清。羞用百二十品。珍用八物。醬用百有二十種。

進物於尊者曰饋。此饋之盛者。王舉之饌也。六牲馬牛羊豕犬雞也。羞出於牲及禽獸以備滋味。謂之庶羞。公食大夫禮內則。

下大夫十六，上大夫五十，其物數備焉。天子諸侯有其數，而物未得盡聞。珍謂淳熬淳母，炮豚炮脾，擣珍漬熬肝，管也。醢謂醢醢也。王舉則醢人共醢六十，以五齋七醢七菹三藿實之。醢人共齋菹醢物十齋，鄭司農云：羞進也。六穀稌黍稷梁麥菽，菽彫胡也。六清水漿醴醕醫醢。○齋屋貢反，饌仕眷反，淳之純反，熬五乃反，母莫胡反，辨作即反，齋作西反，鬱奴今反，稌他古反，菹古吳反，醢本四。○金音同，又九音反。又作涼醢，以支反。

王日一舉，鼎十有二物，皆有俎。

殺牲盛饌曰舉。王日一舉，以朝食也。后與王同庖，鼎十有二，牢鼎九，陪鼎三，物謂牢鼎之實亦九俎。○朝如字。

以樂侑食，膳夫授祭，品嘗食，王乃食。

侑猶勸也。祭謂刊肺脊也。禮飲食必祭，示有所先。品者，每物皆嘗之，道尊者也。○刊寸本反。

卒食以樂徹于造。

造，作也。鄭司農云：造謂食之故所居處也。已食徹置故處。

王齊日三舉。

鄭司農云：齊必變食。

大喪，以不舉。大荒，則不舉。大札，則不舉。天地有裁，則不舉。邦有大故，則不舉。

大荒，凶年。大札，疫癘也。天裁，日月晦食，地裁，崩動也。大故，寇戎之事。鄭司農云：大故，刑殺也。春秋傳曰：司寇行戮，君為之不舉。○裁音災，疫音役。癘音厲，為于偽反。

王燕食，則奉膳贊祭。

燕食，為日中與夕食。奉膳，奉朝之餘膳。所祭者牢肉。

凡王祭祀賓客食則徹王之胙俎。

膳夫親徹胙俎。胙俎最尊也。其餘則其屬徹之。賓客食而王有胙俎。王與賓客禮食。主人飲食之俎。皆為胙俎。見於此矣。

凡王之稍事設薦脯醢。

鄭司農云。稍事為非日中大舉時而間食。謂之稍事。膳夫主設薦脯醢。玄謂稍事有小事而飲酒。○間劉古竟反。

王燕飲酒則為獻主。

鄭司農云。主人當獻賓則膳夫代王為主。君不敵臣也。燕義曰。使宰夫為獻主。臣莫敢與君亢禮。

掌后及世子之膳羞。

亦主具饌之數。不饋之耳。

凡肉脩之頒賜皆掌之。

鄭司農云。修脯也。

凡祭祀之致福者受而膳之。

致福謂諸臣祭祀進其餘肉歸胙于王。鄭司農云。膳夫受之以給王膳。

以擊見者亦如之。

鄭司農云。以羔雁雉為擊見者。亦受以給王膳。

歲終則會。唯王及后世子之膳不會。

不會計多少。優尊者。其頒賜諸臣則計之。

庖人掌其六畜六獸六禽。辨其名物。

六畜六牲也。始養之曰畜。將用之曰牲。春秋傳曰。卜日曰牲。鄭司農云。六獸。麋鹿熊麋野豕兔。六禽。雁鶉鷄雉鳩。玄謂獸人

冬獸狼夏獸獾又內則無熊則六獸當有狼而熊不屬六禽於禽獸及六摯宜為羔豚犢麋雉雁凡鳥獸未孕曰禽司馬職曰大獸公之小禽私之○麋亦作麀居倫反鶉音純鶉於諫反鶉古合反麀音迷

凡其死生蠶蓂之物以其王之膳與其薦羞之物及后世子之膳羞

凡計數之薦亦進也備品物曰薦致滋味乃為羞王言薦者味以不藜為尊鄭司農云鮮謂生肉藁為乾肉○蠶悉然反藁古老反數色柱反

其祭祀之好羞

謂四時所為膳食若荆州之鮭魚青州之蟹胥雖非常物進之孝也○好呼報反鮭側雅反

其喪紀之庶羞賓客之禽獻

喪紀喪事之祭謂虞祔也禽獻獻禽於賓客獻古文為獸杜子春云當為獻

凡令禽獻以灋授之其出入亦如之

令令獸人也禽獸不可久處賓客至將獻之庖人乃令獸人取之必書所當獻之數與之及其來致禽亦以此書按數之至于獻賓客又以此書付使者展而行之掌客乘禽於諸侯各如其命之數聘禮乘禽於客日如其饗儀之數士中日則二雙○令力呈反使所吏反乘繩盜反

凡用禽獻春行羔豚膳膏香夏行腍鱠膳膏臊秋行犢麋膳膏腥冬行鱧羽膳膏膾

用禽獻謂煎和之以獻王鄭司農云膏香牛脂也以牛脂和之腍鱠雉鱠乾魚膏臊豕膏也以豚膏和之杜子春云膏臊犬膏膏腥豕膏也鮮魚也羽雁也膏膾羊脂也玄謂膏腥雞膏也羔豚物生而肥犢與麋物成而充腍鱠膜熱而乾魚雁水涸而性

定此八物者得四時之氣尤盛為人食之弗勝是以用休廢之
脂膏煎和膳之牛屬司徒土也雞屬宗伯木也犬屬司寇金也
羊屬司馬火也○膳其居反膳所留反膳素刀
反羶書然反和胡臥反膳呼旱也為于偽反

歲終則會唯王及后之膳禽不會

膳禽四時所膳禽獻
加世子可以會之

內饗掌王及后世子膳羞之割亨煎和之事辨體名肉物辨百品
味之物

割肆解肉也烹煮也煎和齊以五味體名春脅肩臂膈之屬肉
物載膳之屬百品味庶羞之屬言百舉成數○亨普庚反注同
肆託歷反齊才細反
載側吏反膳音燔

王舉則陳其鼎俎以牲體實之

取於錢以實鼎取於鼎以實俎實
鼎曰香實俎曰載○香職升反

選百羞醬物珍物以俟饋

先進食之時恒
選擇其中御者

其后及世子之膳羞

膳夫掌之
是乃其之

辨腥臊膾香之不可食者牛夜鳴則腐羊冷毛而羸羶犬赤股而
躁腺烏曠色而沙鳴狸豕盲眦而交睫腥馬黑脊而般臂蠖

腥腥羶香可食者是別其不可食者則所謂者皆臭味也冷毛
毛長總結也曠失色不澤美也沙澌也交睫腥腥當為星聲之
誤也肉有如米者似星般臂臂毛有文鄭司農云腐朽木臭也
蠖蠖帖臭也杜子春云盲眦當為望視○腐音由冷音零曠本

又作擴芳表反狸音鬱音亡亮反毗音視睫音
接般音班螻音樓別彼列反漸音西姑音姑

凡宗廟之祭祀。掌割亨之事。凡燕飲食亦如之。凡掌共羞。修刑膾。脰骨鱠以待其膳。

掌共。共當為具。羞。庶羞也。修。銀膾也。脰。如膾而腥者。鄭司農云。刑膾。謂夾脊肉。或曰膾肉也。骨鱠。謂骨有肉者。玄謂刑。銅羹也。膾。腍肉大羹。所以祭者。骨。牲體也。鱠。乾魚。其羞共。依注音具。膾。火吳反。脰。普半反。銀。丁亂反。腍。直輒反。膾。力轉反。

凡王的好賜肉修。則饗人共之。

好。賜王所善而賜也。
○好。呼報反。注同。

外饗。掌外祭祀之割亨。共其脯。修刑膾。陳其鼎俎。實之牲體魚腊。凡賓客之殮。饗饗食之事。亦如之。

殮。客始至之禮。饗。既將幣之禮。致禮於客。莫。盛於饗。○食音嗣。

邦饗耆老孤子。則掌其割亨之事。饗士庶子。亦如之。

孤子者。死王事者之子也。士。庶子。衛王宮者。若今時之饗。衛士矣。王制曰。周人養國老於東膠。養庶老於虞庠。

師役。則掌其其獻。賜脯肉之事。

獻。謂酌其長帥。帥。師色類反。

凡小喪。紀陳其鼎俎而實之。

謂喪事之奠祭。

亨人。掌其鼎鑊。以給水火之齊。

鑊。所以煮肉及魚腊之器。既孰。乃香于鼎。齊。多少之量。○齊。才細反。注同。

職外內饗之饗亨煎辨膳羞之物。

職主也饗今之竈主於其竈養物。○饗七亂反。

祭祀共大羹鉶羹賓客亦如之。

大羹肉湑鄭司農云大羹不致五味也。鉶羹加鹽菜矣。○羹音庚湑去及反。

甸師掌帥其屬而耕耨王藉以時入之以共盥盛。

其屬府史胥徒也耨芸芋也王以孟春躬耕帝藉天子三推三公五推卿諸侯九推庶人終於千畝庶人謂徒三百人藉之言借也王一耕之而使庶人芸芋終之盥盛祭祀所用穀也案稷也穀者稷為長是以名云在器曰盛。○盥音貧芋音子推出誰反又他。同反。

祭祀共蕭茅。

鄭大夫云蕭字或為茵茵讀為縮束茅立之祭前沃酒其上酒滲下去若神飲之故謂之縮縮浚也故齊桓公責楚不貢苞茅王祭不共無以縮酒杜子春讀為蕭蕭香蒿也玄謂詩所云取蕭祭脂郊特牲云蕭合黍稷臭陽達於牆屋故既薦然後炳蕭合馨香合馨香者是蕭之謂也茅以其祭之苴亦以縮酒苴以藉祭縮酒泔酒也醴齊縮酌。○茵所六反滲所鳩反浚荀閏反炳如悅反苴音租泔于禮反齊才細反。

其野果疏之薦。

甸在遠郊之外郊外曰野果桃李之屬。疏瓜瓠之屬。○疏力果反畎大結反。

喪事代王受胙。

案盛者祭祀之主也今國遭大喪若云此黍稷不馨使鬼神不逞于王既殯大祝作禱辭授甸人使以禱藉田之神受胙。○後殃。

王之同姓有辜則死刑焉。

鄭司農云王同姓有罪當刑者斷其缺於甸師之官也文王世子曰公族有死罪則磔於甸人又曰公族無官刑獄成致刑于甸人又曰公族無官刑不踐其類也刑于隱者不與國人慮兄弟

帥其徒以新蒸役外內饗之事

役為給役也木大曰薪小曰蒸

獸人掌豎田獸辨其名物。

豎田也。以罔搏所當田之獸。

冬獻狼夏獻麋春秋獻獸物。

狼膏聚麋膏散黍則溫散則涼以救時之若也獸物凡獸皆可獻也及狐狸

時田則守畧。

備獸觸攫。○攫俱縛反又俱碧反

及弊田令禽注於虞中。

弊什也什而田止鄭司農云弊田謂春火弊夏車弊秋羅弊冬徒弊虞中謂虞人釐所田之野及弊田植虞旗於其中致禽而珥焉獸人主令田衆得禽者置虞人所立虞旗之中當以給四時社廟之祭故曰春獻禽以祭社夏獻禽以享禴秋獻禽以祀祫冬獻禽以享烝又曰大獸公之小禽私之公之謂輸之於虞中珥焉者取左耳以致功若斬首折戣故春秋傳曰以數軍實○什音上反又音赴釐音來本亦作球珥如志反祫音方戣古獲反

凡祭祀喪紀賓客其其歾獸生獸。

其其者

凡獸入于腊人。

當乾之。

皮毛筋角入于玉府。

給作器物。

凡田獸者掌其政令。

廡人掌以時廡為梁。

月令季冬命漁師為梁鄭司農云梁水偃也偃水為關空以筒承其空詩曰傲筒在梁○廡音漁空戚音孔

春獻玉鮪。

王鮪鮪之大者月令季春薦鮪于寢廟○鮪立軌反

辨魚物為鱻蕘以共王膳羞。

鮮生也蕘乾也○鱻音鮮蕘本又作稿

凡祭祀賓客喪紀共其魚之鱻蕘凡廡者掌其政令凡廡征入于

玉府。

鄭司農云漁征漁者之租稅漁人主收之入于玉府

鼈人掌取互物。

鄭司農云互物謂有甲背胡龜鼈之屬○背莫于反

以時簞魚鼈龜蜃凡狸物。

蜃大蛤鄭司農云簞謂以杈刺泥中搏取之狸物龜鼈之屬自狸藏伏於泥中者玄謂狸物亦謂鱖刀含漿之屬○簞勑角反

司書

卷四

冢宰治官之職

九

示懷堂

狸莫皆反... 秋獻龜魚

春獻鼈屬秋獻龜魚

此其出在淺處可得... 之時魚亦謂自狸藏

祭祀其屬羸蜺以授醢人

羸蜺蟪鄭司農云羸蛤也杜子春云羸蟬也蜺蜺子國語曰蜺... 舍蜺蜺○羸薄佳反羸郎戈反蜺直其反蜺音夷輸音由蜺字

又作蚌蒲項反蜺宜綺反舍音捨蜺悅全反

掌凡邦之籍事

腊人掌乾肉凡田獸之脯腊膾胖之事

大物解肆乾之謂之乾肉若今涼州烏翅矣薄折曰脯捶... 之而施薑桂曰綴修脯小物全乾○肆勅力反捶之藥反

凡祭祀其豆脯薦脯膾胖凡腊物

脯非豆實豆當為羸聲之誤也鄭司農云膾膾膾肉鄭大夫云... 讀為判杜子春讀胖為版又云膾膾皆謂夾脊肉又云禮家以... 胖為牛體玄謂公食大夫禮曰庶羞皆有大者此據肉之所擬... 祭者也又引有司曰主人亦一魚加膾祭于其上此據主人擬... 祭者膾與大亦一也內則曰臠鹿田豕膾皆有胖足相參正也... 大者歲之大膾膾者魚之反覆膾又詁曰大二者同矣則見膾... 之腠肉大膾膾宜為膾而腥膾之言片也析肉意也禮固有腥... 膾膾雖其有為孰之皆先制乃亨○豆音羞胖音半反食音嗣... 膾京倫反覆芳服反膾而... 甚反膾徐廉反亨音庚反

賓客喪紀其其脯腊凡乾肉之事

周禮卷四

同豐... 冢宰治官之職

十失三次之十失四為下。

食祿也全猶愈也以失四為下者五則半矣或不治自愈

食醫掌和王之六食六飲六膳百羞百醬八珍之齊。

和調也○食音嗣齊才細反下皆同

凡食齊眠春時。

眠音視○

羹齊眠夏時。

羹音宜○

醬齊眠秋時。

醬音宜○

醬宜涼

飲齊眠冬時。

飲宜寒

凡和春多酸夏多苦秋多辛冬多鹹調以滑甘。

各尚其時味而甘以成之猶水火金木之載於土內則曰羹栗飴蜜以甘之董苴粉榆婉稿滫瀡以滑之○和胡臥反飴以之反董音謹苴音祖粉符云反滫音問瀡思酒反藹相藥反

凡會膳食之宜牛宜稌羊宜黍豕宜稷犬宜粱鴈宜麥魚宜苽。

會成也謂其味相成鄭司農云稌稷也爾雅曰稌稻放彫胡也○稌音杜苽音孤稷本亦作稌音庚

凡君子之食恒放焉。

周禮

卷五 冢宰治官之職

二

水虞堂

放猶依也。○放甫往反。

疾醫掌養萬民之疾病。四時皆有癘疾。春時有疝首疾。夏時有疥。秋時有瘧寒疾。冬時有嗽上氣疾。

癘疾氣不和之疾。瘧酸削也。首疾頭痛也。嗽欬也。上氣逆喘也。五行傳曰。六癘作見。○瘧音消。疥音介。嗽西豆反。上時掌反。注同。欬音代。反。端目。竟反。見。賢。遍。反。

以五味五穀五藥養其病。

養猶治也。病由氣勝負而生。攻其贏。養其不足者。五味醯酒飴蜜薑鹽之屬。五穀麻黍稷麥豆也。五藥草木蟲石穀也。其治合之齊。則存乎神農子儀之術云。○贏音盈。後不音者。同合如字。又音閤。

以五氣五聲五色眡其死生。

三者劇易之徵。見於外者。五氣五藏所出氣也。肺氣熱。心氣次之。肝氣涼。脾氣溫。腎氣寒。五聲。言語宮商角徵羽也。五色。面貌青赤黃白黑也。察其盈虛。休王吉凶可知。審用此者。莫若扁鵲倉公。○易以豉反。藏才浪反。下同。微張里反。王往况反。

兩之以九竅之變。參之以九藏之動。

兩參之者。以觀其死生之驗。竅之變。謂開閉非常。陽竅七。陰竅二。藏之動。謂脈至與不至。正藏五。一有胃膀胱大腸小腸。脈之大候。要在陽明寸口。能專是者。其唯秦和乎。岐伯。榆。榆。則兼彼數術者。○岐其宜反。榆羊朱反。本亦作俞。俞音附。

凡民之有疾病者。分而治之。死終則各書其所以而入于醫師。

少者曰死。老者曰終。所以謂治之不愈之狀也。醫師得以制其祿。且為後治之戒。○少詩照反。

瘍醫掌腫瘍潰瘍金瘍折瘍之祝藥劑殺之齊。

腫瘍。腫而上生。創者。潰瘍。腫而含膿血者。金瘍。亦創也。折瘍。跌跌者。祿當為注。讀如注病之注。聲之誤也。注。謂附著藥。劑。刮去。

周禮

卷五

冢宰治官之職

三

天懷堂

凡療瘍以五毒攻之。

膿血殺謂以藥食其惡肉。折時設反視之。樹反副音刮齊才。細反剗初良反。踈於阮反。跌待結反。著音豬略反。去羗呂反。

以五氣養之。以五藥療之。以五味節之。

止病曰療。攻治也。五毒五藥之有毒者。今醫方有五毒之藥。作之合黃。整置石膽丹砂雄黃礬石慈石其中。燒之三日三夜。其煙上著。以鷄羽掃取之。以注創。惡肉破骨則盡出。○整本又作整。徐音母。又音務。舉音豫。著直略反。

凡藥以酸養骨。以辛養筋。以鹹養脉。以苦養氣。以甘養肉。以滑養

竅。

以類相養也。酸木味。木根立地中似骨。辛金味。金之纏合異物似筋。鹹水味。水之流行地中似脉。苦火味。火出入無形似氣。其

土味。土含載四者似肉。滑滑石也。凡諸滑物通利往來似竅。

凡有瘍者受其藥焉。

獸醫掌療獸病。療獸瘍。

畜獸之疾病及瘍療。同醫。畜許又反。

凡療獸病。灌而行之。以節之。以動其氣。觀其所發而養之。

療畜獸必灌行之者。為其病狀難知。灌以緩之。且強其氣也。氣趨聚之節也。氣謂脉氣。既行之。乃以脉視之。以知所病。○為于偽反。聚本亦作。驟同。仕救反。

凡療獸瘍。灌而副之。以發其惡。然後藥之。養之。食之。

亦先攻之。而後養之。○食音嗣。

設鳥兮反載昨再反滿音
糟臆本又作醴於紀反

掌其厚薄之齊以共王之四飲三酒之饌及后世子之飲與其酒

后世子不言饌其饋食不必具設之五齊正用禮
為飲者取醴情與酒味異也其餘四齊味皆似酒

凡祭祀以灋共五齊三酒以實八尊大祭三貳中祭再貳小祭壹

貳皆有酌數唯齊酒不貳皆有器量

酌器所用注尊中者數量之多少未聞鄭司農云三貳三益副
之也大祭天地中祭宗廟小祭五祀齊酒不貳為尊者質不敢
副益也杜子春云齊酒不貳謂五齊以祭不益也其三酒人所
飲者益也弟子職曰周旋而貳唯噍之視玄謂大祭者王服大
裘袞冕所祭也中祭者王服鷩冕毳冕所祭也小祭者王服希
冕玄冕所祭也三貳再貳一貳者謂就三酒之尊而益之也禮
運曰玄酒在室醴醴在戶棗醴在堂澄酒在下澄酒是三酒也
益之者以飲諸臣若今常滿尊也祭祀必用五齊者至敬不尚

味而費多品。為于偽反噍苦箏反鷩必列反毳充苜反希
又作緜同張里反醴側產反棗才許反醴音體亦作緜飲於
鳩

共賓客之禮酒共后之致飲于賓客之禮醫醴糟皆使其士奉之

禮酒王所致酒也王致酒后致飲夫婦之義糟醫醴不滌者亦
曰清不滌曰糟后致飲無醴醫醴不清者與王同體屈也亦因
以少為貴士謂
酒人漿人奄士

凡王之燕飲酒共其計酒正奉之

共其計者獻酬多少度當足也故書酒正無酒
字鄭司農云正奉之酒正奉之也。度徒洛反

凡饗士庶子饗耆老孤子皆共其酒無酌數

要以弊
為度

掌酒之賜頒皆有灋以行之。

灋尊卑之差。

凡有秩酒者以書契授之。

鄭司農云有秩酒者給事中予之酒秩常也常受酒者國語曰至于今秩之文謂所秩者謂老臣王制曰七十不俟朝八十月志秩九十月有秩朝直逢反

酒正之出日入其成月入其要小宰聽之。

出謂授酒材及用酒之多少也受用酒者其計於酒正酒正月盡言於小宰

歲終則會唯王及后之飲酒不會以酒式誅賞。

誅賞作酒之善惡者

酒人掌為五齊三酒祭祀則共奉之以役世婦。

世婦謂宮卿之官掌女官之宿戒及祭祀比其具酒人共酒因習與其奚為世婦役亦官聯此必履反又毗志反

共賓客之禮酒飲酒而奉之。

酒正使之也禮酒饗燕之酒飲酒食之酒此謂給賓客之稍王不親饗燕不親食而使人各以其爵以酬幣侑幣致之則從而親食音嗣

凡事共酒而入于酒府。

入于酒正之府者是王燕飲之酒酒正當奉之

凡祭祀共酒以往。

不言奉小祭祀

賓客之陳酒亦如之。

謂若歸饗饋之酒亦自有奉之者以酒從往。

漿人掌共王之六飲水。漿醴涼醫。醕入于酒府。

王之六飲亦酒正當奉之。醴醴清也。鄭司農云涼以水和酒也。玄謂涼今寒粥若糗飯雜水也。酒正不澀水涼者無厚薄之齊。○糗丘。西反。

共賓客之稍禮。

稍禮非發饗之禮。留間王稍所給賓客者。漿人所給亦六飲而已。○間如字徐音淵。

共夫人致飲于賓客之禮。清醴醫。醕糟而奉之。

亦酒正使之。三物有清有糟。夫人不醴。土得備之。禮飲醴用柶者糟也。不用柶者清也。○柶音四。

凡飲共之。

謂非食時。

凌人掌冰。正歲十有二月。令斬冰。三其凌。

正歲季冬火星中大寒冰方盛之時。春秋傳曰火星中而寒暑退。凌冰室也。三之者為消釋度也。故書正為政。鄭司農云掌冰。政。主藏冰之政也。杜子春讀掌冰為主冰也。政當為正。正謂夏正。三其凌三倍其冰。

春始治鑑。

鑑如甄大口以盛冰。置食物于中以禦溫氣。春而始治之。為二月將獻羔而啓冰。○甄直僞反。盛首成為于僞反。

凡外內饗之膳羞鑑焉。凡酒漿之酒醴亦如之。

酒醴見溫氣亦失味。酒漿酒人漿人也。

周禮

卷五 冢宰治官之職

水滸堂

祭祀共冰鑑賓客共冰。

不以鑑往嫌使停鑑羞

大喪共夷樂冰。

夷之言尸也實冰于夷樂中置之尸牀之下所以寒尸尸之樂曰夷樂牀曰夷牀矣曰夷余移尸曰夷于堂皆依尸而為言者也漢禮器制度大樂廣八尺長丈二尺深三尺漆赤中

夏頒冰掌事。

暑氣盛王以冰頒賜則主為之春秋傳曰古者日在北陸而藏冰西陸朝覲而出之

秋刷。

刷清也鄭司農云刷除冰室當更內新冰玄謂秋涼冰不用可以清除其室○刷所劣反清如字又才政反

邊人掌四邊之實。

邊竹器如豆者其容實皆四升

朝事之邊其實麩黃白黑形鹽膾鮑魚鱠。

黃泉實也鄭司農云朝事謂清朝未食先進寒具口實之邊故麥曰麩麻曰黃稻曰白黍曰黑稊鹽以為虎形謂之形鹽故春秋傳曰鹽虎形玄謂以司尊彝之職參之朝事謂祭宗廟薦血腥之事形鹽鹽之似虎者膾腥生魚為大鱠鮑者於楅室中糗乾之出於江淮也鱠者析乾之出東海王者備物近者腥之遠者乾之因其宜也今河間以北煮糧麥賣之各曰逢燕人膾魚方寸切其腴以膾所貴○麩芳弓反黃符文反膾火吳反鱠所求反泉思甲反腥直輒反楅皮逼反種直龍反膾徒覽反

饋食之邊其實棗栗桃乾榛榛實。

饋食薦孰也今吉禮存者特牲少牢諸侯之大夫上祭禮也不裸不薦血腥而自薦孰始是以皆云饋食之禮乾榛乾梅也

周禮

卷五

冢宰治官之職

七

禮記

桃諸梅諸是其乾者榛似栗而小云饋食之類

加籩之實 菱芡栗脯菱芡栗脯

加籩謂尸既食后亞獻尸所加之籩重言之者以四物爲八籩
菱或也芡雞頭也栗與饋食同鄭司農云菱芡脯脩○菱音陵
芡音險與古栗字重
直用反菱其寄反

羞籩之實 糗餌粉飧

羞籩謂若少牢主人酬尸宰夫羞房中之羞于尸侑主人主婦
皆右之者故書飧作芡鄭司農云糗熬大豆與米也粉豆腐也
芡字或作資謂乾餌餅之也玄謂此二物皆粉稻米黍米所爲
也合蒸曰餌餅之曰資糗者搗粉熬大豆爲餌資之黏著以粉
之耳餌言糗資言粉互相足○餌而志
反資昨資反爲餌于僞反著直略反

凡祭祀共其籩薦羞之實

薦羞皆進也朮食未飲
曰薦既食既飲曰羞

喪事及賓客之事共其薦籩羞籩

喪事之籩
謂殷尊時

爲王及后世子共其內羞

於其飲食以
共房中之羞

凡籩事掌之

周禮卷五 終

司農

卷五冢宰治官之職

一

文

